



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Emplastrum de Capillis ustis. IX

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

indicant genera, ut illis uideatur, secundum ægritudinis intentionē quam curant, ex his uero infinita propemodum singulis annis conficimus, ut indicantur. BRAS. Neque ambigo, quoniam ego singulis annis plus quam sexcenta confici iubeo, at si genus quoddam emplastri inuenero quod in usu est, tamē de eo nullam mentionem fecisti quid dices? SE. Dicam me fuisse obliuiosum.

BRASAVOLVS. IX.

Non ne conficitis emplastrum de Capillis? SE. Conficimus quidem, sed arbitrabar me de illo sermonem habuisse. BRAS. Non habuisti. SEN. Satis est si de illo in presentiarum loquamur, at quomodo conficitur? BRASA. Ita docet Mesue secundum Alexandrum in capite de Lethargia. Capilli hominis adusti sumantur. SEN. Ergo debet esse melancholicus ille & adustus cuius capilli recipiuntur? BRASA. Non sumuntur ex adusto homine, sed sunt ipsi capilli qui aduri debent, & ipsorum cinis accipiendus, multumq; cum aceto miscendus, quousq; totum fiat sicuti unguentum. Mesue ait esse medicinam mirabilem ad lethargiam, & subeth, nam breui excitat à somni profunditate, notatq; Mesue quandoq; addi huic compositioni castoreum. SE. Inuenitur ne compositio hæc apud Alexandrum? BRASA. Putas ne Mesuem mentiri? SEN. Non puto, sed nonnunquam authorem unum pro alio citat. BRAS. At audias Alexādrum Trallianum capite uigesimo primi libri dicentem, Maximeq; proficit ad excitandū hominem, fronti unctiōe admotum castoreum, uel capilli
humani

humani cremati, & cum aceto liquefacti pari modo illi, est enim (inquit) hoc quadam naturæ aptitudine huic morbo factum antipharmacum. SEN. Vidi non nullos qui huic. emplastro crocum miscuerint. BRASA. Misceri potest, tamen & sine eo fieri melius arbitror. SEN. Non ne dicit Alexander quod castoreum simul misceatur? BRASA. Non profectò, sed ipse per se castoreum ponit, quod & si illi misceretur nihil referret, neq; magnificandum est, si crocum nonnulli addiderint, hic igitur erit emplastrorum finis? SEN. Prorsus erit nisi tu unum uel alterum genus in medium adduxeris. BRAS. Iam in foro sumus, tu ad pharmacopolium, ego ad alios inuisendos egros proficiscar.